



Q. D. B. V.

PROOEMIUM.



Cum in *Scholis nostris publicis* haud ita pridem in *Epistola SANCTI JACOBI* philologico-critice pertractanda versaremur, digna nobis visa est Pericopa Cap. III, 1 — 12. ubi Apostolus de *Linguae moderamine* differit, quam curatori ampliorique Disquisitioni subjiceremus; Habet in ea

A

Cri-

Criticus, habet etiam Philologus, quæ attentionem  
 ejus provocent, industriamque exercent; nam, præ-  
 ter Lectiois varietatem hinc inde obviam, Stilus, ut  
 per totam Epistolam, ita & in hac illius particula,  
 sic comparatus est, ut omnino ex Ebraismo æque  
 ac Græcismo lucem desideret, & judicio *Cel. MI-*  
*CHAELIS in Dedic. Paraphr. Benson.* maxime opus  
 habeat interprete, qui filum orationis, intricatum  
 sane, ac brevitate sententiarum abruptum, explicet;  
 „non *Ebraismis* modo, inquit idem *Vir Doctiss. c. 1.*  
*pag. 14. 15. not. 10.* plena oratio, ut omnium Scri-  
 ptorum N. T. sed & ille *Orientalis* eloquentiæ succus  
 atque color, quem in *PAULI* aliorumque scriptis  
 non intellexeris, omnia hic large tinxit; Rariora in-  
 sunt *connexionis* vestigia, *particulæ* inprimis, ut fieri  
 in hebraica oratione assolet; crebra Similia, & quæ,  
 (si verbis meis audacia detur) haud timeam *audacio-*  
*ra* dicere, qualia orientis populis sunt in deliciis, „  
 (conf. Idem *in der Einleit. Tom. II. pag. 1598.*)  
 Hoc *postremum* sane, si uspiam, in nostra certe pe-  
 riocha observatur; Quod vero ad *abruptum* dicendi  
 genus spectat, notum est, *JO. CLERICO in Notis*  
ad

*ad* HAMM. pag. 501. aniam illud dedisse, temere  
 satis scribendi: passim in hac Epistola occurrere præ-  
 cepta varia, *sine ordine* ullo inter se congesta, ut &  
 in aliis apostolicis Epistolis, & viros sanctos ea pro-  
 fudisse, quæ viderint usui fore iis, ad quos scribebant,  
*nullo servato ordine*, qui necessarius non sit in ejus-  
 modi scriptis & monitis; At vel sola B. nostri BEN-  
 GELII *Analysis* in Gnom. ex ipsis Textus visceribus  
 deprompta Crisin hanc temerariam falsi convincere,  
 & docere lectorem attentum potest, quod JO. LO-  
 CKII de Paulo judicium: *nullum sibi auctorem visum,*  
*in argumentando adcuratiorem, & cujus omnia dicta mi-*  
*nus a scopo, quem sibi propositum habuerit, aberrarent,*  
*quam Paulum,* suo modo etiam de JACOBO valeat,  
 salva cæteroque differentia inter utrumque, quoad  
 noëmata & phrasas; Neque etiam crebrior omisso  
 particularum connectentium pro sermonis vitio ha-  
 benda est, cum DIONYSIVS HALICARN. *de struct.*  
*orat. Cap. 22. pag. 176. de stilo loquens efficaci & nobi-*  
*li, quem austerum vocat, inter virtutes potius referat,*  
 quod esse is soleat *ὀλιγοσυνδεσμος, parcus in connectendo,*  
*ἄναρθρος, minus articulatus, ἐν πολλοῖς ὑπεροπτικὸς τῆς*

*ἀκολουθίας, in multis negligentior sequela.* Nos persuasum habemus tam suspicionem minus bene coherentis & confusæ tractationis, quam frequentes illas multorum interpretum parhermenias, a scopo Apostoli mirum quantum aberrantes, præcipue deberi isti illorum παραραματι, quod non observarunt, Apostolum, præmissâ C. I, 1—18. exhortatione ad Patientiam, Cap. V. ulterius persequenda, v. 19. & 20. C. I. sequentis tractationis *Summam* exhibere in *triplici* isto monito: Ὡςτε, ἀδελφοί μου ἀγαπητοί, ἕσω πᾶς ἄνθρωπος ταχύς εἰς τὸ ἀκῆσαι, βραδύς εἰς τὸ λαλῆσαι, βραδύς εἰς ὀργήν· ὀργὴ γὰρ ἀνδρὸς δικαιοσύνην Θεῆ ἐκατεργάζεται. Hoc enim observato in promptu fuisset justa totius Epistolæ Analysis, & minus periculi, in ejus interpretatione a scopo & mente S. Scriptoris aberrandi, quam ipsam ob causam & nostra jam tractatio ab ista *Propositione trimembri* incipiet.